

Kap ēšlēktē

Mes, kaimietē, atsēlēkē –
Laužuom galvas, kap išlēktē.
I Euruopa ka istuojiem,
Jau neblakstuom sāva kuojiem.

Vēsus Briuselis jau valda,
Eurās gausem laukta alga.
NATA bluokē ka stuoviesem,
Priš sovietus nedrebiesem.

Vēsē strainē nuorem būtē –
Bējuom līstē ēr i kūti.
Petēs traukuom, galvuom kraipuom –
Karviu senē jau neblaikuom.

Tēp Euruopa išmuokēna,
Ka pri savēs pavadēna:
Geriau pašalpa īr gautē,
Nego šēina dalgēs pjautē.

Pēina „Maximuos“ jau perkam,
Atsēvēipē mēsas kertam.
Dešras ērgi juk ont jouka –
Privarītas vērtū kroupu.

Sāva kiaulēs ka toriejuom,
I bačkēlē mēsa diejuom
So pēpērās, so čēšnakās,
So džiuovintās laura lapās.

Tuokiuos mēsuos ka prikērsi,
Darba dērbdam, nenovērsi:
Bovuom dēktē, stēprē, drūktē,
Nuors tevaldiem maža ūki.

Saldiū ougu isēdiejē,
Vondēnieli čīsta gieriem –
Juokiū E mes nežēnuojiem!..
Kleckams bolvēs tarkavuojiem.

Sāva žēmē mes mīliejuom,
Senus tievus priveiziejuom.
Ka ēr sunkē vēlkuom našta,
Mes brongēnuom gimta krašta.

Dabā, vuos tik pariepliuojem,
Vėsus šmuotus maliavuojem.
Kou betorem, vėskou ruoduom,
Vīrus painiuojem so buobuom.

Apie seksa begalvuojem –
Vėinē kėtus gvaltavuojem.
Nebie Dieva, ni bažnīčės –
Kelnēs velkas pri koplīčės.

Gretā lėksem be šaknieliu,
Be gimtėnēs ēr opieliu.
Vėsė būsem integrouťė,
Kap paršėlē, soskaičiuťė.

Sosėtraukosi lig pūslėlė
Krot Euruopuo Lietovėlė.
Gera saujė tik belėkuom,
Vo i skuola gėlė krėtuom.

Vėinē mušas, kėtė pešas,
Tretė torta kliebēs nešas.
Vo vargšelems nieka gēra –
Vert gīvenėma iš kēra.

Nuors dā kertam kuošės bliūda,
Bet ožmėršuom sāva būda –
Kalbuom svetėmuom gorklioujem,
Dėrbťė i ožsėini važioujem.

Mes, kaimietē, atsėlėkė –
Nourem Lietovuo išlėktė.
Kol dā nieks mums neikonda,
Niekam nelėpam ont spronda.

Ka ēr vėskas tēp netėkra –
Ruoduos, lėpam lig ont stėkla –,
Bet jau nieka nepakeisi,
Tiktā toštē laika leisi.